

DISSERTATIO MEDICA  
INAUGURALIS,

DE

HYDROPE.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

ARTHURUS GRANT ROBERTSON,  
ANTIGUENSIS.

Prid. Id. Septemb. hora locoque solitis.

EDINBURGI:

Apud BALFOUR et SMELLIE,

Academiae Typographos.

---

M,DCC,LXXXIII.



JOHN ROBERTSON

H. Y. D. R. O. P. E.

D. GURLEY ROBERTSON

P. O. G. A. D. U. D. O. T. O. R. I. S.

ARTHURUS GRANT ROBERTSON

ARTHURUS GRANT ROBERTSON

Apud BALTOUR & SMITH

Academice Typograph.

M. DCC. LXXXIII.



JOANNI ROBERTSON,

Medentium peritissimo,

Hominum probissimo,

Parentum optimo,

Piissimo,

Hunc medicum laborem,

Ita ut eo indignum esse doleat,

Ea qua par est reverentia, et pietate,

Infra pedes ponit

Amantissimus filius

ARTHURUS GRANT ROBERTSON.

†



CORRIGENDA.

Pag. 22. l. 5. *pro serositates lege serositatis.*

25. l. 7. *pro immunere lege imminuere.*

28. l. 6. *pro affectiones lege affectionis*

ARTHURUS GRANT ROBERTSON.



DISSERTATIO MEDICA

INAUGURALIS,

DE

HYDROPE.

**E**X illustris academiae institutis, lauream medicam petentium scientiae documenta postulantibus, quoniam inter alia, charta quoque, qua aliquid ad medicinam pertinens tractetur in lucem edenda, requiritur ; ideo ego de hydropis frequentia, et exitiali fine importuni imprimis mali, causis et natura, scribendum existimavi.

A

DEFI-



## DEFINITIO.

Hydrops est, ubi corpus omne, aut aliqua pars ejus, molliter, aequaliter, et sine e-latere intumuit.

## LOCUS MORBI NOSOLOGICUS.

In omni cujusvis rei ordinatione, five corpora naturalia, five morbos respiciente, e duabus rationibus, quarum altera pro diverforum hominum arbitrio variat, altera ex communi eorum, quae ordinantur, natura, trahitur; haec illi haud obscure praestit, et si perpetuo attingi non potest, saltem, quantum potest, exsequenda est. Quae quidem ratione, praeter ea, quae quivis ordo dat, commoda, hoc insuper acquiritur; ut eorum quae conjunguntur proprietates communes, disjungendorum diversas, compendio



pendio quasi addiscas, et sic ordini incerto, scientiam veram adjicias. Verum enimvero haec felicitas perquam parce adhuc et maligne hominibus contigit, nuperque tantummodo ulla ex parte reperta est, et quasi philosophiae solidioris lux obscure nobis, nunc demum incipit adfulgere.

Hydrops, five pro genere five pro sectione nosologica habeatur, est unum ex quatuor generibus seu sectionibus, quae Intumescentiae apud Cullenum dicuntur; quarum tres a fluido aliquo congesto, veluti aëre, aqua, aut adipe pendent; quarta vero a corpore solido vel firmo ignotae fortasse naturae. Hae intumescentiae, adiposae, flatuosae, aquosae, et solidae nuncupantur. Neque signorum, ut ex singularum definitionibus cernere licet, similitudine adeo discrepant, quin ad unum ordinem, five caput mavis, satis commode contrahantur; cum singulae satis inter se differant, ut recte distributae videantur. Quod satis ad nosologiam est.

Sed



Sed naturalem simul hunc ordinem esse, causa non eadem, sed in aliis alia, derogare fidem videtur. Estque hic, ut alibi plerumque, nosologiae defectus, pathologia supplendus; quippe quae, utraque non ad alteram subvertendam, sed mutua ope juvandam et confirmandam, inventae sint.

### D I A G N O S I S.

A reliquis ejusdem ordinis sectionibus hydrops sic, ab adiposis pinguedinis, a flatuosis aëris, a solidis solidi, in nimium excrefcentis, absentia, distinguitur. Quod si fusiore explicatione opus est, cum hydrope obesitas vix poterit confundi, cum in hac nullam, in illo semper manifestam, notam imprimens digitus, relinquat; nec tam subito pinguedo, quam hydrops, increfcat. Ad hunc rursus a flatuosis adfectibus discernendum satis plerumque erit, quod ab eo sonus omnis, praeter undulan-

tem



tem aliquando, abest, semperque mollis tumor est. Denique, a physconia, quicum sola confundi potest, ascites dignoscitur, quod cum fluctuatione semper est. Eandem ascitem a rachitide, huic caetera morbo propria, et fluctuatio absens, determinant.

### HYDROPI DISCRIMINA.

Hydrops a nosologis, pro magno genere, in minora deducto habetur; nec quantum symptomatum diversitas respicitur injuria. Quae, quanquam idem funditus morbus sit, alibi corporis alia sunt, et actiones laesae aliarum partium alia symptomata suscitant. Sic in hydrothorace, spirandi actio, in hydrocephalo cerebri nervorumque officia, impediuntur, et propria dant symptomata; ut ex singulorum casuum definitionibus patet. Est igitur, ratione naturae habita, genus tantummodo hydrops, ac ne species quidem, sed varietates seu casus, fed  
de



de variantes, recipit. Ii casus, Culleno auctore, anasarca, hydrocephalus, hydrorachitis, hydrothorax, ascites, hydrometra, et hydrocele, sunt ; qui sane, si nosologiae legibus, quae semota causae ratione, sola symptomata spectant, standum est, pro totidem generibus jure habentur.

Aliud discrimen, non nosologicum, utpote sensibus non manifestum, abdita morbi natura dat. Id discrimen causae, prout ea toti corpori communis, aut parti propria est, ratio excussa praebet. Neque, ut curatio monstrat, morbi, in mobilem aut immobilem, medicabilem aut immedicabilem, distinctio inutilis est, quippe quae ad altiorum morbi contemplationem ducat.

Quia vero in curatione, inter hydropem, ut symptoma, eundemque ut morbum, ex propria et non aliena causa pendentem, saepe distinguere difficile est, et interest distinguere ; ita inter causas remotas tradendas,



das, postque eas traditas, id paucis adgre-  
diemur.

## P R O P R I A C A U S A.

Hydropis omnis causa est serosae san-  
guinis partis extra vasa accumulatio ; cu-  
jus quidem non alia plerumque causa est,  
quam solita exhalatio modum superans, vel  
absorptio deficiens. Hinc in cavum ali-  
quid aut telam cellulosam humoris aquosi  
copia congeritur ; nec ulla alia causa mor-  
bi concipitur. Humor autem, sic effusus,  
aut cavis corporis detentus, est semper fere  
lymphæ, quam arteriolæ exhalantes emit-  
tunt, aut semper saltem latex aquosus, quem  
absorbentibus suis finibus acceptum, venæ  
lymphaticæ ad rubras reducunt. Hujus  
exemplum est ex urina retenta hydrops ;  
ubi urina, lymphæ per propria huic vasa,  
iter sequens, et sanguine recepta, tandem  
solita via arterioli exhalantibus, in diversa  
corporis



corporis loca, effluit. Ea plerumque non sanguinis serum, seu ea pars quae glutine dissoluto et aqua salina constat, sed sola fere haec, nempe serositas, est. Quam feri aliquantulum, vel interdum urinae, vel, ut verisimile mihi est, humoris extrinsecus derivati qualis diabetem efficit, et ad hydropem efficiendum pertinere potest, ingredi queat, et variam humoris speciem praebere; tamen ea varietas a stagnatione haud minus forsan, quam a diversa humoris natura, pendet. Quin et, si super summa viscerum facie in hydrope, justum pus De Haenus et nostri in nosocomio viderunt, id feri partem elapsam, et in pus stagnatione conversam, tantum arguit: Redit igitur tota res ad copiam et causas ejus.

PRINCIPIA, seu causae remotae hydropis sunt, omnia quae alterutrum hunc statum relatum efficiunt.

Effusionem efficiunt tria, imo, Aucta ubivis exhalatio. 2do, Lymphatica vasa rupta.



rupta. 3tio, Ex aucta in exiguo loco exhalatione vesiculae faccive repleti dein disrupti \*.

Exhalationem nimiam, quae longe frequentissima effusionis causa est, faciunt quinque ; primum, sanguis per venas redire ad cor prohibitus ; dein, resistentia vascula excernentia ; tum, auctus in arteriis impetus ; denique arteriolae exhalantes relaxatae ; postremo, humoris aquosi copia intus in corpore abundans.

Ex his quinque exhalationis originibus ut a prima incipiam ; sanguinis ad cor impeditus rediversus eo exhalationem auget, quod cum omnis arteriola rubra in venam rubram desinens, alterum quoque finem, nempe arteriolam exhalantem, habeat ; ita in illam, quacunque de causa transire sanguis prohibitus, in hanc, ut proximam vi-

B

am

\* Vide tab. Cullen. earum per quae hydrops fit.



am convertetur, augebitque exhalationem. Quam rem veram esse plurima declarant.

Rursus, sanguinis venosi reditum impediunt sex ; primum pulmonum, item cordis, dein jecoris et lienis, impedimenta ; tum corporis erectus habitus, denique plethora venosa, postremo venae obstructae.

Hydropis frequens causa sunt pulmonum impedimenta ; scilicet, in quem dyspnoea, cum longa est, saepissime vertitur. Neque membranae, summos pulmones obtegentis, ex inflammatione orta obstructio raro in hydrothoracem transit. Eundemque alia hic impedimenta eventum aliquando trahunt. Eodem pertinet cordis obstructio quaevis. Cujusmodi sunt, valvulae in osseam naturam versaе, polypus venarum cavarum, et similia alia quae sunt.

Cum haec viscera tantum sanguinis perfluat, scilicet cor et pulmones universus corporis sanguis, jecur autem et lienem fatismagna copia ; manifestum est, siue venae  
praecipue



praecipue impediuntur, in respondentium arteriarum fines incubiturum onus, et exhalationem aucturum esse; five impediuntur simul arteriae, et sic sanguinis fluentum ad angustius spatium redigitur, tam in alias arteriarum liberarum partes, quam praecipue in fines, impetum auctum iri. Eoque tales obstructions, hydrothoracis et ascitis validissimae et creberrimae causae sint, necesse est. Eaeque causae simpliciter remotae sunt, utpote quae, sine ullo seminio, seu conditione corporis in morbum inclinante, hunc efficere queant.

Neque alia ratio est alius causae, corporis nimirum positurae erectae: Qua fit, ut sanguis ad cor difficilius ascendat, et sic retardatus, exhalantes arteriolas versus impetum intendat. Hinc in corporibus imbecillis oedema; et hinc quoque sub noctem vel sanissimorum crura oedematose quodammodo tument. His auctae exhalationis causis venosam ex obstructis menstruis, haemorrhoidibus, profluviisve serosis, plethoram



ram annumerare, consuetum est. Verum, ni fallor, inde pendens plethora, non tam in causa est, quam exhalantium, quam ii morbi dare noti sunt, vasculorum atonia. Nam si cachexia, cujus praecipua origo menstruum retentio est, ventriculi tonum imminuendo, dyspepsiam cachecticam gignit, cur non et alibi, eoque in arteriis exhalantibus, fibrarum muscularium tonum afficiendo, illarum potius relaxatione, exhalationem adaugeat. Quod si fit, haec causa non huius loci est, ad quartam auctae exhalationis causam releganda.

Novissima auctae exhalationis, eoque hydropis, origo est venarum quaelibet occlusio. Redit autem haec ad obstructionem et compressionem. Quae, cum super cerebrum incidunt, diversorum malorum causa est, ut apoplexiae, epilepsiae, et aliorum capitis adfectuum. Cumque adultis hydrocephalus internus rarissimus sit; effusiones vero serosae, ut incisiones Lieutodiana et Morgagniana testantur, frequentissimae



tiffimae fint, et morbos, de quibus modo relatum est, excitent ; ideo eas, ad summam, non potentem intra cranium hydropis causam esse, judicandum est. Ut autem aliquando morbus hac aetate incidit, ita effusiones relatae aliquando quoque ejus causa esse possunt. Tumores tamen, venas comprimentes, anginam aquosam fecerunt.

Extra venas comprimunt schirrus aut steatoma, item graviditas, postremo, aquae congestio, qualis in ascite fit, quae ut causa sese auget. Harum omnium hydropis causarum una eademque ratio est, scilicet, impedito per venas sanguinis reditu, versoque in propriorum ei vasorum fines impetu, exhalationem adaugere.

Idem, ut supra dictum est, efficiunt resistentia vasa excernentia, eodemque etiam modo ; scilicet, in arteriolas exhalantes impetum urgendo, agunt. Hic autem non de excretionibus aquosis retentis, humorem  
aquosum



aquosum intus inclinantibus, et sic morbum excitantibus, agitur; quarum ratio ad quintam auctae exhalationis causam, nempe immodicam intus aquae copiam; redit, et ibi pertractabitur: Vis resistens, quam hic dico, ejusmodi est, quae in vicinas arteriolas exhalantes impetum dirigat. Ubi autem perspirationem subito repressam, aut frigidam epotam, repente hydrops sequitur; ibi nulla aquae, quae subito nasci nequit, abundantia suspicanda est, sed alterae causae, nempe auctae exhalationi, necessario tribuendus.

Tertia auctae exhalationis causa est aucta arteriarum actio. Hanc auget aut extrinsecus illata vis, ut in nervorum distentionibus et contusionibus, aut arteriarum; ab interna causa actio immodica, qualis in inflammatione, aut febrili impetu, incidit. Contusiones vasa disrumpunt, et humores, qui in illis continentur, effundunt.

Porro, licet consuetissimus inflammationis finis resolutio sit; ubi, exhalato humore absorpto,

absorpto, morbus nullo sui vestigio relicto decedit; vel suppuratio, quae est morbi in alium mutatio; tamen aliquando, et propter auctum quoque impetum, inflammationem hydrops sequitur. Ita tumorum ferroforum qui rheumatifinum secuti sunt Storkius medicus Viennensis meminit. Item, post thoracis aut abdominis inflammationes, humoris effusi semper plus minusve reperitur. Quam effusionem, licet ab atonia aut relaxatione vasorum saepius sit, tamen etiam magna illa arteriarum, quae sub inflammatione vehementiore sit, actio, has praeter modum ad extremos fines distendens, tandemque exhalantium ora nimis patefaciens, aliquando quoque efficere videtur. Quin et hydropis, febres intermittentes secuti, eadem interdum ratio est.

Hae omnes, effusionis per auctam exhalationem, causae activae sunt, et urgendo in exhalantes fines impetum agunt. Quae deinceps sequuntur, duae diversae naturae esse habendae sunt.



Quarta auctae exhalationis, hydropem trahentis, causa, arteriarum relaxatio est. Hic, ut in diabete, mechanica dilatatio forsitan aliquando incidit. Verum ea relaxatio saepius suspicanda est, quam vasorum exhalantium atonia procreat. Quin et in arteriolarum, sine musculorum paralyfi, consistere aliquando hydropem, credibile est. Item chlorosis, quae magna saltem ex parte in atonia posita esse videtur, in ascitem aut anasarcam saepe degenerat. Quae res hydropis cum atonia nexum satis indicat, et in exhalantium vasculorum relaxatione aliquando illum consistere declarat. Quin et alii cachexiae casus, qui pro incipiente anasarca habendi sunt, saepe tales sunt, quia vascula exhalantia simul relaxantur. Eidemque saepius, quam activae causae, tribuendae effusiones sunt, quae inflammationem aut febres intermittentes subsequuntur; ubi aucta extremarum arteriarum actio magna et violenta in contrarium statum, nempe earundem atoniam, vertitur.

Novissima

Novissima exhalationis nimiae causa est, nimia humorum aquosorum intus copia. Hanc tria faciunt; primum aquae plus justo ingestum; tum partium sanguinis crassiorum aut tenaciorum ablatio; postremo partes aquosae nimia intus retentio. Aquae plus justo assumptum hydropem facere, multa declarant. Quae sic intus abundans, quam facile per exhalantes arteriolas dilabatur, Halefii experimentum docet. Is, jugulari vena aperta, et aqua calida infusa, cito canem hydrope adfecit. Partes sanguinis crassiores et tenaciores, rubrae particulae, et gluten non dissolutum, sunt. Hae ex vivi corporis veniseductae, aliquamdiu humorem uniformem faciunt, qui dein in partes abscedit, quarum densior crassamentum est, altera et tenuior serum; quod ex glutine quoque, sed dissoluto, et parte aquosa salina, nempe serositate, constat. Hujus partes adeo arcte inter se cohaerent, uniformemque humorem adeo dant, ut, ne corpore quidem ablatae, nisi calore, humanum valde superante, diffocientur. Ex tribus his sanguinis

C

partibus,



partibus, particulis rubris, glutine, et serositate, illae magnis vasis continentur, et hujus partem implicatam impeditamque, quo ipsae fluentiores sint, sinu suo retinent. Serositates, prae reliquis partibus, copia longe maxima est; quippe quae ex aquosa victus parte, quae nunquam non plurima et abundantissima est, ex affusis ei tota via, qua ad sanguinem itur, quas arteriolae exhalantes praebent, laticibus, ex lymphâ undique corporis in ductum thoracicum reduce, et interdum ex absorpta ab aëre aqua, in magnis vasis abundet, in minimis sola perfluat. Sanguinis igitur omne, siue sponte siue consilio, profluvium, sola magna vasa afficit, minima parum tangit; ideo rubrarum particularum, maximeque glutinis, magnam, prae serositate, vim abducit; et sic tanto, quantum ad serositatem retinendum satis sit, non relicto, hanc suam naturam sequi, et per vascula exhalantia diffluere, undique finit. Sic in haemorrhagiis, et in magnis sanguinis detractionibus, simul pars rubra, simul gluten aufertur, et quidem copiosius

pro

pro rata parte quam serum, et multo lentius restituuntur. Quod periculum augebit dilatatio mechanica, de qua relatum est, quae in diabete haud dubie fit, in reliquis adfectibus fieri potest. Eodemque certius etiam affectorum vasorum atonia et laxitas, quae hujusmodi profluvia nunquam non comitantur, pertinent. Quod ad partis aquosae nimiam intus retentionem attinet; quicquid humoris intus accipitur, id omne xxiv horarum spatio variis excretionibus humidis corpore educitur. Si igitur eae excretiones, quales, exempli gratia, perspirationis et urinae sunt, quacunque cohibentur, retinetur in vasis humor tantisper, dein, permanente obstaculo, in exhalantia versus, iis undique diffluit. Sic ischuria cum alias hydropis formas, tum hydrocephalum, fecit. Quin et perspiratio retenta, quae alioquin alias intus excretiones augendo, nunc catarrhum, nunc diarrhoeam, nunc diabetem, creat; non solum etiam catarrhum senilem, sed in arteriolas exhalantes derivata, justum hydropem, parit.

Hac



Hae sunt hydropis causae, quatenus in aucta exhalatione consistunt, et longe frequentissima hydropis origo, existunt.

Altera effusionis, hydropem gignentis, origo est vasorum lymphaticorum ruptura. Vasa lactea, quae ejusdem generis, ac lymphatica, esse novimus, disrupta hydropem creant. Et, quoniam quaevis totius corporis vasa aut casu externo, aut vitio infito, quandoque disrumpuntur, id lymphaticis quoque contingere vix addubitandum est. Neque, si talem casum hydrops sequitur, aut admiratione aut explicatione opus est.

Tertia effusionis causa est, ex aucta in iis exhalatione, vesicularum aut faccorum repletio, dein disruptio. Exhalatio, dum modica est, et humor effusus his vesiculis aut faccis continetur, primum, et dum ii integri sunt, tumoris hydropici nomen non meretur. Disrupti humorem effundunt, et, cito pristinam magnitudinem recuperantes, effundere perseverant. Hinc justus hydrops.

drops. Praeter vero hunc praecipuum et frequentissimum effusionis hydropicae fontem, auctam scilicet per minutas arterias exhalationem, est alia hujus morbi origo, minus quidem communis, sed non prorsus negligenda: Imminuta nempe absorptio. Eam tria immunere existimantur; primum obstructio venosa ibi, ubi vasa lymphatica defunt; tum lymphaticorum obstructio; postremo absorbentium vasorum paralyfis.

Licet in corporibus nostris exhalatio assidue procedat, tamen in sanitate humor aquosus non cumulatur. Unde, exhalatam lympham usque, et pro ratione qua exhalatur, rursus absorberi, dubium esse nequit. Si quae partes vasis lymphaticis carent, in iis absorptionem per venas fieri, credibile est. Et, quia nullae venae lymphaticae in cerebro adhuc repertae sunt, ibi potissimum venae sanguiferae illarum fungi officio, a nonnullis existimantur. Verum, quia non cernuntur, non ideo eas non esse sequitur. Quas e contrario revera esse, satis manifesti



a capite lymphaticorum vasorum rami, dein trunci, et plurimae et magnae glandulae conglobatae in collo sitae, item rationis similitudo, quippe enim praeter cerebrum ubique lymphatica apparent, argumento sunt. Quod, si ita est, obstructio venosa non aliter, quam, ut supra relatum est, aucto impetu, exhalationem augendo, agere potest; sin aliter, quin eadem causa, majora vasa obfarcendo, absorptioni minorum officiat, non erit dubium. Utramque partem anatomici et physiologi tuentur, quorum iudicio rem integram relinquimus.

De obstructionis lymphaticae effectu, minime ambigitur. Ea autem dupliciter, in viis communibus, nempe ductu thoracico, et vasis propriis cum eo communicantibus, et in partis alicujus vasis lymphaticis, nempe in minoribus ubivis ramis, peccat. Si autem lymphatica partis forte obstructa sunt, inde partis quoque hydrops innascitur. Ita glandulis inguinalibus obstructis, aliquando artuum inferiorum oedemata orta sunt. Quod hujusmodi hydropes saepi-

us non incidunt, crebrae horum vasorum lymphaticorum, ut arteriarum et venarum, rubrum sanguinem ferentium, inter se commixtiones, seu anastomoses, sapiente naturae consilio, prohibere credendae sunt.

Postremo, quoniam absorbendi officium non, ut videtur, ex toto passivum est, id est, non attractione capillari inerte sola perficitur, sed aliqua ex parte activum est, seu musculari actione adjuvatur; ita haec imminui, et lymphaticorum paralyfin efficere, posse credenda est.

HYDROPEM, PROUT CAUSIS VARIET, AUT MEDICABILEM AUT IMMEDICABILEM ESSE.

#### CASUS IMMEDICABILES

Sunt ii omnes, qui a fixis pulmonum, cordis, jecoris, lienis, et aliorum viscerum, impedimentis, nascuntur. Sic, quid remedium



dium magnorum vasorum, ut cordis valvularum ossificationis, commune venarum cavarum os occludentis, inveniatur? Idemque de polypis ibidem, nisi quod hi serius effectus potius, quam prima causa, credendi sunt, dicendum. Ejusdem affectiones obscurior diagnosis est, communiter tantummodo spirandi labore, et cordis perturbatione, suspicanda. Quotiesque hydrothorax aut ascites haec symptomata sequuntur, hoc porro signo eorum origo ossificatio esse judicanda est, si symptomata relata tarde ac paulatim adveniunt, et hydropicum adfectum praecedunt. Monendum praeterea, per naturae bonitatem, vasorum in osseam naturam conversionem, rariorem esse quam vulgo creditum est.

Immedicabilis quoque est hydrops, ex schirrhosis et steatomatosis tumoribus, venas comprimendo agentibus, ortus. Qui, si tantum nacti magnitudinis sunt, ut relato supra more hydropem pariant, ob hanc causam, et quia interni sunt, insanabiles  
semper

femper erunt. Eundemque finem illaetabilem, scirrhus aut strumae, venas lymphaticas adficientes, necessario trahunt.

Idem de hydrope, ex aucto in arteriis sanguinis impetu, dicendum. Quo in casu, medici est morbi adventum praevidere, sed non hunc expectare. Sic, post pulmonis inflammationem, hydrothorax accidere potest. Qui, ubi accidit, hydrothorax quam maxime mature sanandus. Idem, paulo longiore mora neglectus, certo est exitio.

Quatenus arteriolarum exhalantium relaxatio gignit hydropem, si morbi, unde proficiscitur, aut quos comitatur, longe lateque per corpus extremae debilitatis indicia ostendunt, actum est de aegrotante.

Immedicabilis hydrops ex ductu thoracico disrupto est. Neque hanc ejus causam subesse difficile judicatu.



## CASUS MEDICABILES,

Aut faustiore eventum promittentes, sunt omnes ii, quos nullus adfectus localis immobilis creat; eoque oedema in manifesta debilitate ex erecta corporis positura; idem ex graviditate; item vel ex inflammatione vel ex aucto in arteriis impetu, ut hydrothorax incipiens in fine februm natus, et mature et rite curatus; tum ex vasculorum exhalantium aut absorbentium atonia; relaxatione, vel paralyfi, proficiscens, ut in iis casibus, qui menstrua, haemorrhoides, aut serosa profluvia, suppressa sequuntur; hi enim magis ex atonia quam ex plethora pendere videntur; denique aquae intus abundantia, ubi inveterati mali notae desunt; postremo, quem contusiones et nervorum distentiones modicae

magis

magis fecerunt, si rite curetur, medicabilibus casibus adnumerandus est.

## COMMUNIS CURANDI RATIO.

Finito de hydropis pathologia sermone, quam solam tractare propositum fuit, quia fusior de mali, tam causis variantis et discrepantis, curatione, sermo haud commode in unam chartam conferenda videbatur. Summa igitur casuum medicabilium curationis fastigia sola sequar, et quae generatim conveniunt paucis monstrabo.

Sudor, qui a nonnullis creditur, minus hydropis curationi convenire, ab aliis laudatur, et prodesse dicitur.

Urina movenda, quia, quo copiosior haec est, eo minus humoris praeter justum effunditur,



effunditur, et plus humoris jam effusi re-  
forbetur.

Eodem alvi purgatio pertinet, quae, quo  
largior et constantior fit, eo magis decref-  
cit morbus.

Vomitum multum quoque laudatus est,  
et haud semel hydropem, collata im-  
menfa in ventriculum aquae copia, et hac  
ore rejecta, fustuliffe dicitur.

Punctura cutis, hujusque in inferioribus  
et pendulis partibus concifio, faepe tentata  
est, et nunc quoque, deficientibus auxiliis  
melioribus, aliquando tentatur, fed raro  
cum felice eventu.

Haec auxilia, primo quoque tempore, ad  
collectam jam aquam auferendam, utenda  
sunt. Eo facto corpus tonicis et stimulan-  
tibus roborare, dein vasa bono sanguine  
per cibum alentem, ubi jam vires eum tam  
poscunt,

poscunt, quam ferunt, replere, et exercitatione, viribus accommodata, reparare, perquam necessarium erit.

Finito hoc summa festinatione opusculo, Professores hic, ob doctrinae traditae beneficium, ipsorumque adversus me humanitatem, gratias ago.

F I N I S.









